



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ**

Ex Vita Domini Jesu, Sanctorumque Gestis In Singulos anni dies mira  
facilitate & solertia distributæ ... ; Cum indicibus necessariis

Pars Verna - A Dominica Septuagesimæ, ad Dominicam SS. Trinitatis

**Haineuve, Julien**

**Coloniæ Agrippinæ, 1665**

Feria 2. Discipulis à somno excitatis, appropinquantem paßionis horam &  
traditorem Christus denuntiat. Ecce appropinquavit hora.

**urn:nbn:de:hbz:466:1-44214**

Eccl. 18

Lut. 16.

sa vitæ recogitet, si mortem, si iudicium, nõ illicò lætitiæ modum ponat ? quis animo mœrens & abjectus aliquam mœroris sui partem futura Beatitudinis recordatione non sētiat evanescere vel mitigari ? *Mement*, inquit Idem Sapiens, *paupertatis in die abundantia, & necessitatum paupertatis in die divitiarum. Itāne meministi ? Fili recordare, quia recepisti bona in vita tua.* O tūm infausta, & in fugifera recordatio, sed modò utilis & opportuna !

III. PUNCTUM.

**I**n die igitur bona nisi memores mala, non erit dies bona : & in die mala, si memores bona, non erit dies mala ; Quia videlicet non est bona nec mala dies, nisi cum inde boni aut mali sumus, nisi cum inde meliores aut peiores evadimus : Vix autem possumus esse meliores in die bonorum, nisi adversa memoremus, quibus animus à nimia effusione contineatur, & in virtutē subsistat : neque etiam peiores in die malorum, si bona quædam & prospera revocentur in mentem, quibus ipsa mens sustēretur, ne in extremam ruat tristitiam, & inordinatos alios motus ; ac proinde sicut iam supra visum est, sic utrumque semper est temperandum, ut nec pura prosperitas, nec mera obversetur adversitas.

*Videte itaque, inquit Apostolus, quomodo cautè ambuletis, non quasi insipientes sed ut sapientes, redimentes tempus, quoniam dies mali sūt, propterea nolite fieri imprudentes, sed intelligentes quæ sit voluntas Dei ; quasi dicat, in hoc apparebit Sapiens ab Insipiētē, si cautè & prudenter ambulet : tunc verò cautè ambulare*

consequitur, si ex quotidianis eventibus proficiat, cum alioquin dies mali sint, nisi sic proficiat, ac denique ut sic fructuosè proficiat, attendat necesse est ad divinam Providentiam & voluntatem, quæ sic spectari debet in adversis & in prosperis, ut adversa omnia velimus, quia sic Deus illa vult, nec ulla velimus prospera, nisi quia sic ille vult. *Si bona suscepimus de manu Dei, mala quare non suscipiamus.* Sicque vicissim sentiendum & dicendum : si mala suscepimus de manu Dei, bona quare non suscipiamus ? Ubi tamen adverte, quod quantò facilius est de bonis dicere, quod ea de manu Dei suscipimus, tantò difficilius est id verè sentire : Cum enim naturali affectu erga bona propendamus, vix illum affectum ita purgamus ut non magis bona diligamus, quia nobis bona sunt, quàm quia Deus illa vult. *Quamobrem in id præcipuè vigilandū ; sicut Domino placuit, ita factum est. SICUT fuerit voluntas in caelo, sic fiat.* Vide in 1. parte diē 9. 10. 11. & 12. Januarij.

Si quid porro desideres amplius huius universim confirmandæ Veritati, recole historiā, quæ à Taulero refertur de homine mendico, cui cum Theologus quidam præcicaretur prosperum diem, respondit se nullam unquam adversam habuisse, cum à Deo cuncta se accipere semper cogitaret : qua de re fusissimum inter eos habitum est colloquium. Refert & Cornelius à lapide in caput 2. ad Romanos.

Videri etiam potest Dominica 4. post Pentecosten in 3. parte. Ubi hæc habetur Veritas.

Nisi te humilies in prosperis, prospera te humiliabunt.

HAC HEBDOMADE, Quidquid in Olivarum horto, dum capitur à Judæis Dominus, gestum aut dictum fuit, recensetur.

**FERIA SECUNDA.**  
**DISCIPVLIS A SOMNO**  
*Excitatis, appropinquantem Passionis horam*  
*& traditorem Christus denuntiat.*

*Ecce appropinquavit hora, & filius hominis tradetur in manus peccatorum : surgite, eamus, ecce appropinquavit, qui me tradet. Matth. 26.*